



Finansira
Evropska unija

Regionalni program lokalne demokratije na Zapadnom Balkanu 3 ReLOaD3



u partnerstvu sa Gradom Tuzlom

Poziv članovima/icama organizacija civilnog društva za prijave za učešće u Evaluacionoj komisiji u Gradu Tuzli

Grad Tuzla poziva zainteresovane članove/ice organizacija civilnog društva (OCD) koje imaju sjedište na području grada, da se prijave za učešće u procesu evaluacije dostavljenih prijedloga projekata u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu 3 (ReLOaD3).

Javni poziv za projektne prijedloge organizacija civilnog društva je objavljen od 21. novembra do 19. decembra, 2025. godine. Kako bi se proces evaluacije projektnih prijedloga odvijao transparentno, potrebno je osigurati učešće jednog predstavnika/ce organizacija civilnog društva.

Prema pravilima, u javnom pozivu **ne smiju učestvovati članovi/ice organizacija civilnog društva koje su dostavile svoje prijedloge projekata na javni poziv i/ili bili partneri drugim organizacijama civilnog društva na istom javnom pozivu. Ukoliko se utvrdi da je predstavnik/ca OCD koji/a je član Evaluacione komisije OCD u vezi sa bilo kojim dostavljenim projektnim prijedlogom ti projektni prijedlozi će biti diskvalifikovani.**

Ovaj poziv je otvoren od 12. do 17. decembra, 2025. godine, a zainteresovani se mogu prijaviti putem sljedeće elektronske adrese: marijanai@tuzla.ba. Prijava treba sadržavati kratku biografiju iz koje je vidljivo prethodno iskustvo kao i angažmani u OCD.

Evaluacija dostavljenih projektnih prijedloga će se vršiti krajem decembra 2025. godine, a o tačnom datumu evaluacije odabrani kandidat/kinja će biti blagovremeno obavješten/a.

U slučaju da se prijavi više od jednog predstavnika/ce civilnog društva, kandidata/kinju će odabrati predstavnici OCD sa područja Grada Tuzla.

Regionalni program lokalne demokratije na Zapadnom Balkanu 3 (ReLOaD3) finansira Evropska unija (EU), a provodi Razvojni program Ujedinjenih nacija (UNDP).